

Tito

Yaizézé ac.

¹ Anutuac weleñ qeqe ic zéma Yesu Kristoac Méliméli ic ni Paulo imi Anutuac buña qeqe ichéra ienen̄ ninzéñ ninzénginaguc wamma, kekec solanawac ac héla imi niñtegicma,

² kekec hémbénaña imuac mambécma kecmu niñac nañgé énecmimiawac ai buña zénéjec. Wañu kekec hémbénaña imi Anutu ikocya qahac, inéñ becaru nalé ménda hénima heyeciguc ac zíkima nénézéyec imi mia.

³ Añgéñ titi minjina Anutu eñeyaoç ackuažécyä imi naléyaiguc zézé ic onac kuagina mema zéhicñiyec. Wañu ai imi memaj niñac niñkumu némma zéselinéjec.

⁴ Wañu Anutu mañgoc zéma añgéñ titi minjina Kristo Yesu iorarunec ewa hia zéma luaenéñ ic séc momacnec késa keczu ninzéñ ninzéñ héla imuac qeriaiguc nañ téngéñna keczañ Tito guac muru hemá kecmac.

⁵ Krete baeciguc gopori imi hénia yomuhuc niñac; Ai waiwa ménda misi misiyawac hezac imi mindinjidakma ama areña kuneñ kuneñ séc imuac qeriaiwac galeñ kumu énecmima kembéséman niñac imuhuc wañgéñi.

⁶ Képésic solañ kecma embac momacguc sac mema keru nambérac héra ienen̄ ninzéñ ninzéñiguc nañseligic, météqététañ merac me ac qeqe meracgaguc ménda zémigic kecanzac

ic imuhucya imi qeriawac galenjač kumu miwésémanj.

⁷ Héŋgaleň ic imi Anutuac ama galenja kecma képésic solanj kecma eŋjeja ewa siŋ ménda méndacma qeri béləŋaguc qahac kecma doku seli niŋac ménda wamma yaré ménda qema iwawai késamaŋ zé ikoc ménda wammacac hezac.

⁸ Waŋu ic kianj goi héihéi waŋ énécmima, haka hiabiawac siŋa nimma, memaamuma, kekec téreyá kecma, séwiac siŋ sigima kecmacac hezac.

⁹ Waŋu ackuažéc ménjézé ménjéyá qahac iminéj ku énécmianzac imuac séciguc naŋselima kecmac. Imuhuc waŋu inéj ic embac hiabianec ku énécmima zénanjé énécmimacac séc wammac. Imuhuc kecmaciguc héna imi qetalima zéanžu ionac imi efima ac zéénécmimacac séc wammac.

¹⁰ Ic sasalanéj ac qeqe wamma ac haréŋa zéma ikoc waŋ énécmima kecanžu. Sucginaiguc séwi taségina hericma kekera Yuda ic imi eneŋ tosara onogicma imuhuc waŋanžu.

¹¹ Ic imuhucya ionac kuagina imi mizicgénéa acgina qaimac. Ieneŋ imi ikoc waŋ énécmima iwawai onagicbiŋ zé héna ménda ku énécmimuac hezac imuac ku énécmianžu.

¹² Krete ic ionac muru eŋaŋ kua meme ic méjenéŋ yomuhuc zéyec; Krete icnéj nalé séc ikoc wamma haséŋ yaŋ biria tanec kecma mézétiti wamma tomen̄gina wac wamma kecanžu.

¹³ Héipuc ac imi nimba hélacnec wanžac. Imuac niŋ gi selianec zémindiŋi waŋ énécmina ninžéŋ ninžéŋgina mesolaŋjanimu.

¹⁴ Imuhuc wamma Yuda ic ionac nemu suruc

ikora me ac hélawac andé qeanžu ionac zézé seli imuac gezacgina ménda haimu.

¹⁵ Hélacnec, képésic solan̄ ic ionaru imi iwawai moczoŋ képésic solan̄ waŋanžac, néŋ haka ongiŋa wamma ménda ninzéŋgéanžu ionaru imi iwawai méjnén̄ mén̄ képésic solan̄ ménda waŋanžac. Ic imi eneŋ ewagina zéma ewa kétin̄ kétin̄gina momacnec zapi qeqeya waŋanžac.

¹⁶ Ieneŋ imi kuaginanéŋ Anutu nimmizua zéma wawaŋ memeginanéŋ qaecgéanžu. Ic imi eneŋ ewa loloŋ acwac wamma ac qeqe waŋanžu, néŋ haka hiabia mén̄ memuac séc qahac.

2

¹ Waŋu gen̄ mia paken̄ ac hélawac séciguc zéwéséman̄.

² Waŋu ic yanda énézéna gum bénzénzéŋ wamma eebipiginaguc wamma séwiac siŋ sigima ninzéŋ ninzéŋ zéma ala siŋ zéma nanaŋ seliaiguc solanjanimu.

³ Waŋu embac yanda énézéna ieneŋ imuhucyanec wawaŋ memeginá météré amuma kua kisanjiguc andé lukuc ménda wamma doku seli ewa ewanec ménda wamma, kekec hiabiawac kiwi embac wammu.

⁴ Imuhuc wamma eŋaoc embac sac qeli ku énécmigic eu merac hécgina goi héihéi waŋ énécmima

⁵ gum bénzénzéŋ wamma képésic solan̄ kecma ama aigina hiabianec galenjéma euhécgina niŋtoho waŋ énécmimu. Imuhuc ménda waŋgic, Anutuac ackuažéc imuac mematiti hicnjiwac niŋac.

6 Ic merac imuuhucyanec meseli énécmina ningési amuma kecmu.

7 Wañu gi genjaoc haka imuac me imuac wammañ zé hiabianec wanna, kicginaiguc séséc hiabia wammac. Wañu pakenj képésira qahac eeyaguc zéma

8 ac solajá zéqetali wammuac séc qahac imuuhucya énézéna, hazéc ienenj ikocac zéwiñ zé hocma gamugina nimmu.

9 Welen qeqe ic énézéna míngina ionac ac ninjtoho wandacgic ewa hia nimmu, néj qeqetali ac ménda zéma

10 sej kowu ménda nemu, néj welej qeqeac haka hiabia moczoñ nec énézégic hémmu. Imuhuc wanjic, wawañ memeginanéj aŋgéj titi míngina Anutuac pakenj ac imi mežeric qežeric wammiyu eeyaguc wammac.

11 Anutuac aŋgéj titiac ewa hianéj ic embac momac yanda neñajanaru nénézéyu wininima

12 pakenj ac wañ nénécmiyu iwawai eeyaguc qahac zéma baecac siñniñ imi moczoñ waidacma hakanina mežeric amuma kekec solajá zéma haka eeyaguc wamma nalé yomuaru kecwiñjac hezac.

13 Imuhuc kecmanec niñ mambéc mozocyaguc zéma Anutu yanda aŋgéj titi icnina Kristo Yesuwac asac mararañnéj hicnjitegiru hémbij zé imuac nimbupuc wamma kecbyn.

14 Inéj héná biria igucnec metecgé nénécmima météré nénécmima eñeya hénáoriñ buñawac nénépésiyu haka hiabiawac seliseli wamma kecbyn ninjac doenina meyec

15 Gi ac imuac énézéma meseli énécmima kuc

buñanéj zémindiŋi énécmiña ic imi eneŋ guac niŋgič ic eŋomia ménda wammac.

3

¹ Gi héiqelima énézéna niŋqelima baec galen me ai memeac qac buñaginaguc imi niŋtoho wammu. Waŋu ai hiabia hénia hénia hezac imi wambinj zé zérénq qérénq wandacmu.

² Waŋu ic méŋnénj ménj zébiri qébiri zéma zéenj zéma ménda wammu, nénj gum bénzénzénj wamma ic embac momac yanda ionac qeri bénzénj moczoŋnec waŋ énécmidacmu.

³ Neŋaŋ becnec imuhucyanec niniŋnina qahac kecma niŋtoho ménda wamma rouc wamma séwiac siŋniŋ ségiségi hénia hénia imuac weleŋ qema kerinj. Waŋu qeri biric wamma nimbupuc waŋamuma mézétilti waŋamuma kerinj.

⁴ Waŋu aŋgénj titi miŋina Anutuac goi héihéiya zéma ala siŋ neŋaŋ niŋac iwaru hemiyec iminénj hicŋitegirec nalé imuaru,

⁵ aŋgénj tinénécmiyec imi neŋaŋ mema waŋinj haka hiabia imuac niŋ qahac, néŋ eŋeya goi héihéiya niŋac sac wamma kekec qeliawac dokunénj zuacnénécmima Uŋa téreyawac hicŋihicŋi qelianénj aŋgénj tinénécmiyec.

⁶ Waŋu aŋgénj titi miŋina Yesu Kristoac murunec Uŋa Téreyá kuaya qeqeya pocé néńécmiyec.

⁷ Imi mia neŋaŋ iwac ewa hiyawawac niŋac wamma ic solaña zénénécmiyu kekec hémbénaŋa imuac nimbupuiguc kecma mératéc meme ic wambinj niŋac imuhuc waŋ néńécmiyec.

⁸ Ac zéma mazua imi méñzé méñzéya qahac. Imuac gi selianec ninzéngéma énézéna Anutu ninzéngéanžu ienej haka hiabiawac wañhumuma memu. Ai buňa imi hiabia, waňu ic embac nañgé énécimbia wanžac.

⁹ Néj qesiqesi ac oyoňa zéma hicnjisai hénia imuac suruc zéma zéqegetali ac zéma héna acac zéeminiŋ qeminiŋ imi qiziziŋwésémaŋ. Ac imuhucya imi héla qahac haréjanec.

¹⁰ Héna ikorawac wamma héndéŋ amuma kenžac imi ac goro momaguc me éréhéc ézémaguc waina enjeyanec kecmac.

¹¹ Gi nintegicžanj ésécnec ic imuhucya imi ic heraŋ herangia, hakaya birianéŋ kawéya qeamuma ic biria waňec.

¹² Ni Aritema me Tikiko méliwa guaru hama haréyu nalé imuaru fodac Nikopoli ama arenjaiguc hama mihicni némbésémaŋ. Ni ama imuaru kecba sanjeňa naléya imi tecgémac.

¹³ Héna acac ic 3ena zéma Apolo imi walac fodac méli érécmina hamaoc. Nene zéma hinac iwawai mézézéŋgé érécmina iwawai méň niňac ménda hocmaoc.

¹⁴ Ic embac hécnina acguc énézéna haka hiabiawac niňarenjéma kuamumu. Imi mia kecma haréjanec ménda wammu niňac. Imuac mia iwawai imuac me imuac wamma hocbiňac ninžu séc walac mihicnjigic ai buňayawac hemac.

¹⁵ Ic niguc keczu ienej mocžonj guac yaižézéga zézu. Gi acguc ninzéŋ ninzéŋjiguc ala siň waň nénécimianžu ionac nonac niň wamma yaižézé ac énézéna. Anutuac ewa hiayanéŋ ic tuň onac muru hemac.

**SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files
dated 31 Aug 2023

0403b50f-078d-52e2-a203-056e8a430665